



16
1976
№ 8
25-12-2020
FB

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-04-41956-8/20
Sarajevo, 21.12.2020. godine

SKUPŠTINA KANTONA SARAJEVO
- o v d j e -
n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Danijela Kristić

Zastupnica u Skupštini Kantona Sarajevo Danijela Kristić, na 30. Radnoj sjednici Skupštine Kantona Sarajevo, održanoj 03.11.2020. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, postavila je zastupničko pitanje, kako slijedi:

"Molim da shodno mjerama iz Odluke o zaštiti izvorišta iz 1987. godine zajedničkim naporima izvršite izgradnju vodonepropusnih jaraka uz saobraćajnice u prvoj vodozaštitnoj zoni izvorišta Sarajevsko polje, te na vrijeme u skladu sa mogućnostima planirate finansijska sredstva."

ODGOVOR:

Kad je u pitanju Prva vodozaštitna zona prema važećoj Odluci o zaštiti izvorišta za piće "Sarajevsko polje" iz 1987. godine, ovo Ministarstvo može se referisati samo u dijelu u kojem se ova zona poklapa za obuhvatom Spomenika prirode "Vrelo Bosne" ("Službene novine Kantona", broj 6/10-Prečišćeni tekst), a radi se konkretno o izvorištu Konaci-Vrutci-Vrelo Bosne.

Pored mjera zaštite iz pomenutog Zakona, na ovo područje primjenjuju i mjere zaštite utvrđene drugim propisima (prevashodno onim iz oblasti voda). U skladu sa Zakonom o vodama Kantona Sarajevo ("Službene novine Kantona Sarajevo", br. 18/10 i 43/16), Ministarstvo privrede je nadležno za oblast voda u Kantonu Sarajevo, pa prema tome i za vodozaštitne zone izvorišta vode za piće u "Sarajevskom polju".

Ono što je primarno u smislu zaštite i održavanja Spomenika prirode "Vrelo Bosne" jeste rješavanje svih otpadnih voda koje negativno utiču na ovo zaštićeno prirodno područje. U tom kontekstu, na inicijativu ovog Ministarstva 2016. godine izrađen je Glavni projekat "Sanacionih radova na infrastrukturi koja tretira otpadne vode na izvorištu vode za piće "Sarajevsko polje", u okviru koga je pripremljena, između ostalog, i projektno – tehnička dokumentacija vezano za transport prikupljenih oborinskih voda sa saobraćajnice u Velikoj aleji, zatim pristupne saobraćajnice za Stojčevac, te saobraćajnice od crkve u Blažuju do Vrela Bosne, a u okviru iste je sagledana mogućnost izgradnje vodonepropusnih jaraka.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



Sredstva za izradu projektne dokumentacije (koja se nalazi u KJKP "Vodovod i Kanalizacija d.o.o. Sarajevo) obezbijedena su u okviru realizacije Projekta "Otpadne vode Sarajeva", finansiranim jednim dijelom iz zajma Svjetske banke, a isti se sastoji od četiri dijela projektne dokumentacije:

1. Fekalna kanalizacija,
2. Idejno rješenje rekonstrukcije saobraćajnice Ilidža - Velika aleja - Blažuj (crkva sv. Save) i puta za Stojčevac,
3. Prikupljanje, odvodnja i tretman oborinskih voda sa saobraćajnica Ilidža - Velika aleja - Blažuj (crkva sv. Save) i puta za Stojčevac, i
4. Program testiranja funkcionalnosti i rekonstrukcije kanalizacione mreže svih privrednih subjekata u industrijskoj zoni Stup - Energoinvest.

Iz navedenog proizilazi da su otpadne vode na području izvorišta "Sarajevsko polje" cjelovito tretirane, a ukupna procijenjena vrijednost investicije za izvođenje svih sanacionih radova iznosi preko 7 miliona KM.

Mišljenja smo (a u kontekstu odgovora na zastupničko pitanje) da bi trebalo urgentno napraviti reviziju projektne dokumentacije (s obzirom na protek vremena), opredijeliti se za najbolje rješenje u saradnji više nadležnih institucija, te potom planirati sredstva za implementaciju, a što bi dijelom i finansijski podržalo ovo Ministarstvo i Kantonalna javna ustanova za zaštićena prirodna područja koja upravlja Spomenikom prirode "Vrelo Bosne".

S poštovanjem,



MINISTAR

Faruk Kapidžić, dipl.ing.arh.

Dostaviti:

- Naslov
- Služba za skupštinske poslove
- ⊖ Sekretar Vlade Kantona
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

